

Headlines

- 1 राष्ट्रपति द्रौपदी मुर्मू होर अज्ज संजा त्रै मुखें फिजी, न्यूजीलैंड ते तिमोर लेस्ते दी ऐतिहासक यात्रा पर रवाना होआरदियां न।
- 2 जम्मू कश्मीर सरकार नै जमीनें दी हदबंदी सरबंधी तौर तरीके च बदलाव कीता ऐ।
- 3 ग्राम रक्षा गार्डें गी आधुनिक थेआरें कन्नै लैस कीता जाग, गलाया केन्द्री मंत्री डॉ. जितेन्द्र सिंह होरें।
- 4 श्री अमरनाथ जी दी पवित्र यात्रा दे शुरू होने थमां लेई अजें तगर 4 लक्ख 90 ज्हार श्रद्धालुएं पवित्र गुफा च मत्था टेकेआ। छड़ी मुबारक गी श्रीनगर स्थित शंकराचार्य मंदर लैता गेआ।

<><><><><><>

President Murmu

राष्ट्रपति द्रौपदी मुर्मू त्रै मुखें फिजी, न्यूजीलैंड ते तिमोर लेस्ते दी यात्रा आस्तै अज्ज रवाना होआरदियां न। इस यात्रा दरान ओह दपक्खी बैठकां लांगन ते प्रवासी भारतीयें कन्नै गल्लबात करगंन। राष्ट्रपति होर संजा 7 बज्जियै 45 मिंटे पर वायु सेना दे पालम स्टेशन थमां रवाना होंगन। एह भारत दे कुसै बी राष्ट्रपति दी फिजी ते तिमोर लेस्ते दी पैहली यात्रा होग। अपने दौरे दरान राष्ट्रपति होरें इनें मुखें कन्नै दपक्खी बैठकां लांगन ते भारत दे इनें मुखें कन्नै रिश्ते गी होर मजबूत करने ते रिश्ते गी होर व्यापक बनाने पर चर्चा करगंन। श्रीमती मुर्मू हुंदी त्रै मुखें दी यात्रा कन्नै भारत दी एक्स ईस्ट नीति गी होर गति थहोग।

<><><><><><>

Land Demarcation

जम्मू कश्मीर सरकार नै गैर मुमकिन खड्ड, गैर मुमकिन दरेआ ते गैर मुमकिन नाले दी हदबंदी ते ओहदी तस्दीक करने लेई राजस्व सरबंध रिकार्ड च तरमीम करने लेई नमें तौर तरीके गी जारी कीता ऐ। इस जतन दा मकसद पानी आई सकने आली खड्डें ते जित्थें पानी नेई औंदा लेइएं थाहरें दा पता लाना ऐ। एहूदे तैहत् कायम तौर तरीके तैहत् डिवीजनल ते जिला सतह दियां कमेटियां शामिल होंगन, जेड़ियां इस बारे पता लांगन। इस बारे दित्ते गेदे दिशा-निर्देश दी पालमा करना लाजमी होग। अधिकारिएं मूजब जिनें खड्डें च पानी औंदा ऐ, उनेंगी बंदिश शुदा जोन घोषत कीता जाग। सबबने सरबंधी अधिकारिएं गी डिप्टी कमीशनरें, डिवीजनल कमीशनरें ते सरकार गी सिफारशां सौंपनियां होंगन। एह सारा कम्म जम्मू कश्मीर दे जमीनी सरबंधी कनून तैहत् होग।

<><><><><><>

VDG

केन्द्री मंत्री डॉ. जितेन्द्र सिंह होरें आखेआ ऐ जे जम्मू खित्ते च बधा'रदियां आतंकी घटनाएं कन्नै निबड़ने आस्तै ग्राएं-पिंडे दी राखी हिफाजत आस्तै वीडिजी गी आधुनिक थेआरें कन्नै लैस कीता जाग। जम्मू संभाग दे कठुआ जिले च "विकसित भारत तांई नोजवानें गी सशस्त्र बनाना" इस कार्यक्रम च बोलदे होई डॉ. सिंह होरें आखेआ जे सरकार नै आतंकी हमले कन्नै निबड़ने लेई नेकां गैई पुट्टियां न। उनें गलाया जे वीडिजी गी नमें सिरैया तैआर करने ते उंदे थेआरें गी आधुनिक बनाने पर बचार कीता जा'रदा ऐ। उंदी एह टिप्पणी पिछले किश म्हीने दरान टकोहदा करियै जम्मू खित्ते च आतंकवादी गतिविधिएं च बाद्धे मगरा आई ऐ। पिछले म्हीने डॉ. सिंह होरें घोषणा कीती ही जे आतंकवाद प्रभावत इलाके च वीडिजी गी नमें सिरैया तैआर कीता जा'रदा ऐ तां जे उनेंगी आतंकवादिएं कन्नै लड़ने लेई सशक्त बनाया जाई सकै। वीडिजी गी असरदार ढंगे नै चुनौती दा मकाबला करने लेई एसएलआर रैफल सनें होर थेआर दित्ते जाई सकदे न।

<><><><><><>

Cloud Brust

जम्मू कश्मीर दे गांदरबल जिले च बद्दल फट्टने करिये इक शिड़कै गी नुक्सान पुज्जा ऐ, जिस करिये श्रीनगर-लेह राश्ट्रीय जरनैली शिड़क बंद होई गई ऐ। इक पुलस अफसर नै दस्सेआ जे बद्दल फट्टने करिये चानचक्क आए दे हाड़ करिये ना शडा घरे ते किश इमारते गी नुक्सान पुज्जा सगुआं शिड़कै गी बी नुक्सान होआ ऐ। अफसर नै दस्सेआ जे जरुरतमंद लोके दी मदाद ते राहत ताई अफसर मौके पर मजूद न। जरनैली शिड़कै दे बंद होने करिये कश्मीर घाटी-लद्दाख थमां कटोई गई ऐ जिल्ले के श्री अमरनाथ यात्रा आस्तै बालटाल आधार शिविर पुज्जना बी मुश्कल होई गेआ ऐ।

<><><><><><>

SSP Kishtwar

किशतवाड़ दे एसएसपी अब्दुल क्यूम जेकेपीएस होरे डीएसपी पीसी किशतवाड़ हुंदे कन्नै अज्ज जिले च सुरक्षा स्थिति दा जायजा लेने ते इलाके च अमन-रमानदारी बनाए रखने दे मकसद कन्नै दक्कन दा दौरा लाया। दौरे दरान पुलस चौकी डांगडोटो ते पुलस थाना दक्कन दी गैहराई कन्ने पड़ताल कीती। लोके तोड़ी पुज्ज बनाने आली इक महत्वै आली पैहल च किशतवाड़ दे एसएसपी होरे रूक्ख बूहटे लाने आले "एक पेड़ शहीदों के नाम" अभियान दी नुमायंदगी कीती। इस दौरे दा मुख मकसद आम नागरिके ते मन्ने परमन्ने दे लोके दी हिस्सेदारी कन्नै पुलस ते लोके बश्कार सैहयोग गी होर बी मजबूत करना हा।

<><><><><><>

Kisan Khidmat Ghar Samba

सांबा दे डिप्टी कमीशनर अभिषेक शर्मा होरे जिले च औने आले समे च शुरू कीते जाने आले किसान खिदमत घर दिए तैआरिएं पर गल्लबात करने ताई अपने दफतरे च लगगी दी इक महत्वै आली बैठक दी प्रधानता कीती। बैठक दरान उपायुक्त होरे सब्बने किसान खिदमत घरे च इक बरोबर बवस्था दे महत्वै पर जोर पाया। उनें समग्र कृषि विकास कार्यक्रम तैहत बक्ख-बक्ख स्कीमे दी जानकारी देने आले पचे दी दस्तेयाबी दे कन्नो कन्नी होर दुए बोर्ड-पोस्टर बगैरा लाने दे निर्देश दित्ते। श्री शर्मा होरे जोर देइये आखेआ जे कृषि उद्यमिएं गी अज्जै-कल्लै आलियां आधुनिक मशीनां उपलब्ध करोआइयां जान ते कृषि सरबंधी स्कीमे बारे करसाने च जागरूकता पैदा करने ताई तनदेही कन्नै कम्म कीता जा।

<><><><><><>

Jammu ITMS

जम्मू च मोटर गड्डिएं दी आओजाई गी सुरक्षत बनाने आला आईटीएमएस यातायात प्रबंधन सिस्टम हुन पूरी चाल्ली शुरू होई गेआ ऐ। एहदे कन्नै यातायात प्रबंधन ते सुरक्षा गी बढ़ावा थहोआ'रदा ऐ। इक्क केन्द्री कमान सेंटर थमां निगरानी कीते जाने आली एह प्रणाली 44 चौके पर गड्डिएं दी सुचारु ढंगे सिर आओजाई ते बेहतर निगरानी जकीनी बनाने लेई 672 कैमरे दा इस्तेमाल करदी ऐ। आला अफसरे दा आखना ऐ जे आईटीएमएस दा मकसद यातायात सरबंधी खलाफवर्जिएं गी रोकना ते सुरक्षा गी बधाना ऐ। इस सरबंधे च बोलदे होई एसएसपी ट्रैफिक सिटी जम्मू फैसल कुरैशी होरे आखेआ.....बाईट

<><><><><><>

Amarnath Yatra

श्री अमरनाथ श्राईन बोर्ड दे अफसरे दस्सेआ जे अज्ज 1 ज्हार 112 शिव भक्ते दा नमां जत्था जम्मू थमां कश्मीर घाटी लेई रवाना होआ। पिदले 36एं दिनें थमां जारी सलाना यात्रा दरान 4 लक्ख 90 ज्हार शा बद्ध श्रद्धालु पवित्र गुफा च बने दे शिवलिंगम दे दर्शन करी चुके दे न। अज्जै दा जत्था भगवती नगर यात्री निवास थमां बडलै 3 बज्जियै 25 मिंटे पर शिवे दे जयकारे लांदे होई दऊं सुरक्षा काफले च घाटी लेई रवाना होआ। पवित्र गुफा दक्खन कश्मीर हिमालय च समुंद्र तल थमां 3 ज्हार 888 मीटर दी उंचाई पर स्थित ऐ, श्रद्धालु रिवायती पहलगाम ते बालटाल आले रस्ते थमां होइये बर्फू कन्नै बने दे भगवान दे शिवलिंग रूपे च दर्शन करदे न। पहलगाम आला रस्ता 48 किलोमीटर जिल्ले के बालटाल थमां मंदर दी दूरी 14 किलोमीटर ऐ। दौने रस्ते पर यात्रुएं लेई हैलीकाप्टर सेवा उपलब्ध ऐ। इस बारे दी यात्रा कुल 52 दिनें दी ऐ, जेहड़ी 19 अगस्त गी रक्खड़ पुन्नेआ पर मुकम्मल होग।

<><><><><><>

Chari Mubarak

स्वामी अमरनाथ जी की पवित्र छड़ी मुबारक ऐतिहासिक शंकराचार्य मंदर लेती गई। दशनामी अखाड़े आस्सेआ दित्ती गोदी जानकारी मूजब स्वामी अमरनाथ जी की पवित्र छड़ी की अगुवाई महंत दिपेन्द्र गिरी हों कीती। एह छड़ी हरियाली अमावस्या दे मौके पर शंकराचार्य मंदर पुज्जी। उत्थें पूरे वैदिक मंत्र उच्चारण कन्नै पूजा अर्चना कीती गई। इस मंदर की पैहले ज्योतिशवर मंदर बी आखेआ जंदा हा आदि शंकराचार्य हुंदे इस मंदर दे दौरे मगरा इसी शंकराचार्य मंदर आखेआ जान लगी पेआ। सोमवारें छड़ी मुबारक की शारिका-भवानी मंदर हरि पर्वत पर लैता जाग।

<><><><><><><><>

Guru Ramdas

श्री गुरु रामदास जी सेवा सोसायटी पुंछ नै औंदी श्री बुड्डा अमरनाथ यात्रा 2024 आली यात्रा आस्तै अपने पूरे समर्थन दा भरोसा दोआया ऐ। एह 6 अगस्त थमां शुरू होआरदी ऐ। श्री गुरु रामदास सेवा सोसायटी दे जनरल सैक्रेटरी बलवीर सिंह हों आखेआ जे इस यात्रा की पूरा समर्थन दित्ता जाग तां जे एह यात्रा रमानदारी ते सुचारू ढंगै सिर सम्पन्न होई सकै। सोसायटी दे आरगेनाइजर हों आखेआ जे ओह बडे मते खुश न जे ओह बी इस पवित्र यात्रा कन्नै जुड़ियै बडे मते खुश न ते इस यात्रा पर औने आले श्रद्धालुएं की सुविधा ते उंदी मदद लेई हर संभव सहायता मुहैया करोआई जाग।

<><><><><><><><>

Swachhata Pakhwada Udhampur

स्वच्छता पखवाड़ा अभियान दे इक हिस्से दे तौरा पर जिला प्रशासन नै टाउन हाल ते गोल मार्केट इलाके च मोमी लफाफें खलाफ अभियान चलाया। एह अभियान एडीसी जोगिन्द्र सिंह जसरोटिया हुंदी नुमायंदगी च अफसरें की इक टीम नै चलाया जिस दरान अफसरें आम लोकें अगुई अपील करदे होई उनेंगी इक बारी इस्तेमाल होने आली प्लास्टिक दा उपयोग नेई करने की अपील कीती। अभियान दरान दकानदारें की 5700 रुपें दा चलान करने दे कन्नो कन्नी दकानदारें ते गाहकें थमां 27 किलो मोमी लफाफे जब्त कीते गे।

<><><><><><><><>

Ramban Mushroom

भारतीय स्टेट बैंक ग्रामीण स्वरोजगार सिखलाई संस्थान आरएसईटीआई रामबन आस्सेआ मशरूम की राई-बाई ते उद्यमिता सरबंधी लग्गे दा कार्यक्रम सम्पन्न होआ। इस कार्यक्रम च 29 प्रतिभागिणें की सिखलाई दित्ती गई। इनेंगी व्यवसायिक कृषि, रूक्ख बूहटें दे रोगें की काबू च करना, कीट प्रबंधन, बाडी ते बाडी दे बाद आले जरूरी कम्म ते बक्ख-बक्ख सरकारी स्कीमें की जानकारी दित्ती गई।

<><><><><><><><>

DC-Kishtwar HADP

किश्तवाड़ दे उपायुक्त डॉ. देवांश यादव हों समग्र कृषि विकास कार्यक्रम एचएडीपी च बक्ख-बक्ख स्कीमें की अमलावरी की समीक्षा करने आस्तै कल जिला सतह की कमेटी डीएलसी कन्नै लग्गी की बैठक की अध्यक्षता कीती। डिप्टी कमीशनर हों मुंडली सतह पर कम्म करने आले अफसरें की समें बद्ध तरीके कन्नै अपने लक्ष्यें की हासल करने दे कन्नो कन्नी "दक्ष किसान" तैह्त दरखास्तां देने की प्रक्रिया ते नामांकन की सुचारू ते कामयाब बनाने लेई करसानें ते लाभार्थिणें दा समर्थन करने की लोड़ पर जोर पाया। उनें जिले च माल-मवेशी ते मुर्गी चारा इकाइणें की खडेरने दे प्रस्तावें की जांच करने दे अलावा चलैरदियां परियाजना की स्थिति की जानकारी लैती।

<><><><><><><><>

Olympics

पैरिस ओलंपिक्स च भारतीय हॉकी टीम पैनेल्टी शूट आउट च ग्रेअ ब्रिटेन की 4-2 कन्नै हराइयै सैमी फाइनल च पुज्जी गई ऐ। 42 मिंटे तगर इक खडारी घट्ट होने दे बावजूद बी भारतीय टीम नै मैच च अपना दबदबा बनाइयै रखेआ। भारत लेई पैहला गोल हरमनप्रीत सिंह नै कीता। ब्रिटेन दे ली मोर्टून नै बराबरी दा गोल दागेआ जेहूदे मगरा मैच दा फौसला पैनेल्टी शूट आउट कन्ने होआ, जेहूदे च भारत नै 2 दे मकाबले 4 गोल करियै जित्त हासल कीती।

<><><><><><><><>